

涸絕是非海，治平人我山。衝開無盡藏，跳出有情關。

愛欲

浮雲蔽杲日，涼風敗秋蘭。愛欲未能遣，心君爭得安。

媒翳

媒翳可射雉，利欲能攻心。丹田有靈物，不鋤荆棘生。

世事

世事無程限，家緣沒盡頭。不尋休歇地，辛苦幾時休。

清靜

清靜本然真，隨宜盡入神。不煩吹煖律，寒谷自回春。

衰鬢

道藏輯要

雲山集

壹

昇集六  
川川川

衰鬢星星白，朱顏漸漸枯。不期閻老喚，著甚可支吾。

生死

生死門中住，輪迴路上行。此心來住慣，爭肯問前程。

積塵

積塵昏慘慘，長夜黑漫漫。未遽通三要，何由正五官。

陰陽

陰陽爲大匠，天地作陶鈞。從化隨時改，趨生逐日新。

大道

大道理幽深，迷人顛倒尋。去身渾不遠，惟是本來心。

跋